



錢塘魏之珩編集

時毒

此證感四時邪毒之氣其後發于鼻面耳項咽喉赤腫無頭或結核有根寒熱頭痛狀如傷寒此乃時行濕毒之氣發於頭面所謂大頭瘟也以其能作膿生毒故入外科

海昌王士雄五英
濮院呂大綱慎齋同校

少年李蒲汀患時毒用發散之藥耗損元氣患處不消體倦惡寒食少口乾用益氣湯加桔梗及託裏消毒散而愈

秋官陳同野患時毒元氣素弱脈微細而伏此形病俱虛也用參朮歸陳皮紫胡升麻炙草以升舉陽氣用牛蒡

元參連翹桔梗以解熱毒二劑腫消而脈亦復矣苟以脈微細為虛陰以腫赤為陽而藥之鮮有不誤者

一婦人時毒消後腫赤不消食少體倦膿清色白乃脾肺氣虛也先用六君加桔梗歸後用益氣湯加桔梗而斂

春官袁谷虛之妹患時毒表散過度腫硬不消脈浮大按之而短此真氣絕也辭不治後果歿

一男子患此證腫痛發熱作渴脈實便秘以五利大黃湯下之諸證悉退以葛根生芩子湯四劑而痊

一男子患此證表裏俱解腫痛尚不退以葛根升麻湯二劑而腫消

一男子患此證腫痛發寒熱脈浮數以荆防敗毒散二劑少愈以人參敗毒散二劑勢減半又二劑而痊

一男子患此證耳面赤腫作痛咽乾發熱脈浮數先以荆防敗毒散二劑勢退大半以葛根生芩子湯四劑而痊

一婦人患此證表邪已解腫尚不消診之脈滑而數乃瘀血欲作膿也以託裏消毒散潰之而愈

一男子患此證喉腫脹痛作渴項熱便秘脈數按之尤實用防風通聖散一劑諸證頓退以荆防敗毒散加玄參牛

蒡黃芩二劑而瘥

一老人冬月頭面耳項俱腫痛甚便秘脈實此表裏俱實病也飲防風通聖散不應遂致患處出黃血仍投前藥即

應又以荆防敗毒散而瘳蓋前藥不應者毒血凝聚上部經絡藥力難達故也惡血既去其藥自效或拘用寒涼

寒及年高畏用硝黃而用託裏與夫尋常之劑或不砭泄其毒專假藥力鮮不危矣

徐靈胎曰通聖散乃治表裏俱熱之方所謂兩解法也須

